

## Tema: Nuwe Begin

**Skriflesing: Gen. 6 vers 9-21**

### **Sake vir verdere oordenking na ereadiens**

- 1. Was die ontmoeting tussen God en jou vanoggend vir jou sinvol?**
- 2. Is daar iets waartoe jy jou opnuut of vir die eerste keer wil verbind tov:**
  - **Jou persoonlike lewe?**
  - **Jou familie of vriende?**
  - **Dienswerk in Swartland Noord of in die breë Koninkryk?**
- 3. Gaan deel dit met 'n persoon of persone**

#### Khavelitsha

U is sekerlik almal bewus van die brand wat in Khavelitsha uitgebreek het oor die Nuwejaar. Ons het 'n vergadering met Pastoor Aaron Makili en sy vrou Mavis Makili van CBS, wat help om die slagoffers van die brand te versorg, gehad. Volgens hulle is oor die 350 strukture afgebrand, wat so 3600 mense beïnvloed. Hierdie mense bly tans in twee gemeenskapsentrums en word ook hier kos gegee. Die grootste nood wat hulle nou ondervind, die nood vir klere en enige nie-bederfbare kos en doeke en formulemelk vir babas. Die langtermyn nood is grondbedekkings soos matte en enige huishoudelike goedere soos meubels, beddegoed en kombuisware. Indien enige van u wat graag 'n bydrae wil maak, vra ons dat julle dit by die naaste NG Kerk afgee en ons sal dan 'n reëling tref om dit daar af te haal. Indien u 'n donasie wil maak, kan u gebruik maak van die volgende **Bankbesonderhede**: Naam van bank: ABSA  
Rekeningnaam: Armoede en Sorg  
Rekeningnommer: 40 7842 5238  
Takkode: 632005

(Bediening vir Armoede en Sorg. Sinode: Wes- en -Suid-Kaapland)

#### Kennisgewing:

**Almal word hartlik uitgenooi om na afloop van die ereadiens 'n lekker koppie tee in die Kelder te kom geniet.**

NED GEREF GEMEENTE SWARTLAND-NOORD

# AFKONDIGINGS

WELKOM BY VANOGGEND SE EREDIENS!

**13 JANUARIE 2013**

Tel nr: 022 482 1407

e-pos: admin@ngksn.co.za

webtuiste : www.ngswartlandnoord.co.za

Gebed is baie meer as om dinge van God te vra. Dit is ook stille meditasie en om jou lewe aan Hom op te dra.

#### Program van die week

##### Vandag

**09:00 Erediens: Ds Johann Nel**  
Deuroffer: Zimbabwe, Malawi,  
Mosambiek (Sin)

##### Woensdag, 16 Januarie 2013

Skole heropen

##### Donderdag, 17 Januarie 2013

JB Groep 19 :00 Moedergemeente  
Kerksentrum

##### Vrydag, 18 Januarie 2013

Gebedsvriendinne 09 :00

##### Volgende Sondag, 20 Januarie 2013

**09:30 Familiediens: Ds Jan Steyn**  
Deuroffer: Barmhartigheid Plaaslik  
**Opening & Registrasie**  
**Kinderkerk & Kategese**

#### Nuwe Intrekkers

Frikkie, Christine, Juan, Erik en Christi  
van Heerden, Werdmullerstraat 1.

Baie welkom!

Mag jul verblyf in Swartland-Noord baie  
geseënd wees!!

Raak betrokke by omgegroepe en  
ander aksies!

Voorspoed vir elke lidmaat  
vir 2013!

**Lewe elke dag VOLUIT!**

Maak hierdie jaar mense

Aanvaar vandag die  
uitdagings en  
verantwoordelikhede van  
die jaar wat voorlê.

## Het jy gewees ...

### Dankoffer inbetalings

Vind u dit makliker om elektroniese oorbetalings te maak of per debietorder u maandelikse bydrae te gee.

Hier volg ons bankbesonderhede:  
NG Kerk Swartland-Noord  
Nedbank Malmesbury  
Lopende rekening: 128 504 3421  
Takkode: 154605

### **Abbo**

Het jy 'n hart vir ander mense met probleme?  
Die kursus is vir jou!

Sien inligtingspamflet in voorportaal op die tafel.

Sluitingsdatum: 25 Januarie 2013

Kontakpersoon: Theresa van Vreden 083 310 3823

As die blou van die lug jou hart met vreugde vul, as die geringste ding in die natuur 'n boodskap dra wat jy verstaan....jubel, want jou siel leef!

### **Badisa "One More" Jimmelse Jôl innie City Hôl**

Op 2 Maart 2013, om 19:00 vir 19:30 hou Badisa 'n "hemelse" dinee in die Stellenbosch stadsaal met Micheal Mol as gasheer en bekende sterre uit die kuns-, sport- en vermaaklikheidswêreld saam aan die tafel, om fondse in te samel om nog een miljoen mense in nood te help.

Volg die voorbeeld van Media24 en koop 'n tafel @ R10 000 vir 8 persone. Wees deel van die Badisa "One More"- Dinee, 'n skitteraand met keurige kos, verstommende talent en betowerende stories van hoop.

Die bekende skilder, Portchie, skenk aan Badisa 'n spesiale skildery vir die veiling. Kom kuier ook saam met ander beroemde persone aan die tafel. Moenie hierdie geleentheid misloop nie. Kaartjies word ook aan individue verkoop teen R1 250 p.p.

**Kontak Annemarie Bezuidenhout by 083 708 2049 / 021 957 7130 / abezuidenhout@badisa.org.za**

**Ons wil graag lidmate aanmoedig om die kerkkantoor te verwittig van enige lief en leed in die gemeente, sodat ons dit op die afkondigings kan plaas.**

### **Gelukwense:**

Baie geluk aan oom Louis Lesch, Croeserlaan 1, wat die 16 de verjaar. Ons hoop dit is 'n geseënde dag en lewensjaar!

## Kom ons doen voorbedding vir...

Oom Kallie Russouw, Bergzichtstraat 70, met sy gesondheid.

Stiaan Adams, seun van Gert en Alet Adams, Villa Lapparita 6, vir spoedige herstel na sy groot operasie.

### **Terugvoer vanuit die Oop gesprek van 1 November 2012**

Hiermee wil ons graag elkeen bedank wat op 1 November 2012 namens die gemeente aan die "Oop gesprek" deelgeneem het. U het die kerkraad en gemeente baie gehelp om oor die huidige stand van gemeente-wees te dink en verder te beplan en te doen.

Nadat die inligting verwerk is, is die uitkoms tweeledig.

Aan die een kant: Die gemeente verstaan en beleef die erediens as 'n besonder sinvolle gebeurde. Onderlinge en informele verhoudings is ook van so aard dat dit vir die gemeente "lekker" is om deel van Swartland Noord te wees.

Aan die ander kant: Sommige van die bedieninge/aksies in die gemeente wat meer met die formele betrokkenheid van lidmate te make het, funksioneer heelwat onder kapasiteit.

Die kerkraad kry bogenoemde bevinding in heelwat meer detail en gaan vroeg in 2013 hieraan aandag gee. In die aanpak van die taak is drie konsepte uiters belangrik:

- 1) Inklusiwiteit: **Almal** in die gemeente word ingenui om te kom help!
- 2) Proses: Daar gaan saamgewerk word om **dinamies** by uitkomst te kom.
- 3) Bagasie: Ons gaan die geskiedenis respekteer en daaruit leer, maar kies nou om te **groei** na waar ons wil wees.

**GROEI** is die woord wat uitstaan. Die beplanning vorentoe is gemik op groei. Kwalitatiewe en kwantitatiewe groei.

Gielie du Toit namens die Kerkraad

### **Bring en Braai Senior lidmate 60 jaar en ouer: Vrydag, 25 Januarie te De Kockstraat 11 om 19:00**

Hiermee 'n hartlike uitnodiging na ons eerste byeenkoms hierdie jaar wat gehou sal word by Nico en Madeleine Bonthuys. Elkeen bring sy eie vleis, drinkgoed, breekgoed en eetgerei. Sodra ons weet wie teenwoordig gaan wees, sal reëlings vir die bykosse getref word. Kontak asb. vir Johanna by 022 482-3651 of 082 979 2814 om u teenwoordigheid te bevestig.

Kom ons maak dit 'n lekker saamkuier geleentheid!

### **KENNISGEWING:**

Kennisgewings vir afkondigings sluit op Donderdagoggend om 10:00

### **Belangrike Kontak Nommers**

*Ds George Prinsloo*  
Huis 482-3664  
Kantoor 482-4600  
(08:30 tot 12:30)  
Sel / 083 447 6166  
*Ds Jan Steyn Huis 487-2763*  
Sel / 082 872 4314  
Pastorale Berader:  
*Theresa van Vreden*  
083 310 3823